

ter Cantzlye vnßes gnedygesten Heren des Chorforsten tho
Sassen zc. begeben Vnde yn düssen vnsem gemenen kassen
vorhanden syn des gelyken wat tho der Scholen vn kusterye
zugehörich/ock yn düssen kassen geslagen.

Innbame des goddes huses gu- der vnd gerechticheyt.

Alle güder vnde gerechticheit Erfflehn/Erue vnd güder
tynße / Bruggen toll/ Barschop / Suluerwerck / Klenöde/
vorradt/farendekane / vnde so allenthaluen an gewyssen vn
thofelligen dyngen vnßem goddes huse thostendich/Scholz
gantz vnde gar sampt den breuelyken ortanden vortekenissen
vnde regystreren dar ouer seggende/yn den ghemenen kassen
mede yngethogen syn vnd blyuen.

Innbame der veer altar lehn vnd styfftingen güder vnd gerechticheyt.

De veer altar lehn yn vnsem goddes huse/scholē vorhen
wan de yzandes belehnten altars prester vorstoruenn/ edder
de lehne sust vorledyghet syn nycht meh: vorlyhen/ sunder de
veer hüser sampt den güderen/ tynßen ynkommen/ nüttyngen
Klenöden/ vorrade vnde farenderkane/ myt den breuelyken
ortanden/ vortekenysen vnde regystreren/dar thohörende/yn
den gemenen kassen gebracht werden. Vnde dar tho alle bes
genckenisse jar daghe/ Afflat weten der Octauen/vnd ande
re yngelede dede styfftynghe vnd Almessen/thom hospital vnd
anderswo: alle yn den gemenen kassen geslagen.

Innbame van Broderschoppen b ij